

NI WIINA AHMADIYYA OWAKORA?

Kwimwitsoomwa Allah (s.w) ne khumusabira tsimbabasi ne mirembe omurumwa omumalilishi Muhammad (s.a.w) halala nende abeka bebe.

Khubukula obiyangu buno okhura abulafu obubatsa bwa omukanda kwa Ahmadiya ne khubakaya ebeislamu okhulondakhana ninabo.

BUKADIYAANI (BUAHMADIYYA) NO KHUBOOLA MBU SHIINA?

Ameeko kano kachaka omwika kwa 1891 AD shinga obulianga bwa abasungu abali babukula eshialo sha bahiindi. liparo niliri mbu bare abeislamu ahale nende idiini yabwe halala nende okhubabira mbu okhupanira idiini (jihad) shi nelilako mumalako ko bwislamu tawe, khu balashe okhubaseera, ne ameeke kano kanyoola amaani po okhulula khu abahiindi nende abayahudi abali abasuku bo bwislamu okhurula khale.

AMEERA KAABWE

AHMADIYA: Bo hano Afrika belanganga mbu ahmadiya okhurulana nende omuchachi wo mukanda kuno mbu Ghulam Ahmad. Shali AHMAD eliira lia murumwa wefwe tawe.

KADIYAN: Bo ebuleka shinga Pakistan nende India belanganga mbu Makadiyaan, okhurulana khu eshikwenyi sho muchachi wabo oyo yebulwa eshilangwa mbu Kadiyan elia India.

MIRZAI: Belaanganga mbu Mirzai okhurulana nende omuchachi sa wabo oyo Mirza Ghulam Ahmad.

NI WIINA GHULAM AHMAD?

Alangungwa mbu Ghulam Ahmad omwana wa Mirza Ghulam Murtadha omwana wa Ataa Muhammad. Yebulwa mushikwenyi shilangwa mbu Kadiyan Punjab India omwika kwa 1839 A.D yanyoola amasomo matutu aho Kadiyan mushikwenyi shie.

Mumwika kwa 1891 A.D Ghulam Mirza yekhola mbu niye omurumwa omumalilishi khandi mbu ye niye Yesu (Masihi) waboolwa mbu aliitsa. Yamala nahandika ebitabu ebinji nende amangaseti naraamwo ebikhole bibye bino biobubatsa ngana (Baraahin Ahmad, Fat-Hul Islam).

Mumwika kwa 1904 A.D. Ghulam Mirza yekhola mbu niye Krishna (nyasaye mulala mu banyasaye ba ababaniyan). Ne mumwika kwa 1907 omurumwa wuno wobubatsa, (Ghulam Mirza) yakhola olubuutso lwo khuyingana nende mulala mu basoomi be shisunni eria India mana obuyingani obo bwamala bwaawa khulwo eshitsubo mbu omundu omubatsa akari wabwe aranjirire okhufwa mubulamu bwowundi, ne emwesi ekhumi na chitaru lichali ni chiweere omundu omubatsa wuno yamala yaatiirwa no bulwale bwo khunyalala mana naafwa inyanga ya 26/5/1908. ne omusomi oyo we shisunni okhurula ebise bienebio yamenya emiika amakhumi kane naafwa omwika kwa 1948.

OBUSIBIRI BWA ABAMIRZAI (BAAHMADIYYA)

Abamirzai basuubiranga mbu:-

1. Ghulam Ahmad ni Yeso (Masihi) owalakwa mbu alicherera.
2. Nyasaye afunganga saumu, akonanga, mana abuukha (Allah (sw) no mulafu wahale nende obuchafu ibo).
3. Oburumwa shibwawa tawe ne Ghulam Mirza niye omulayi wa toto okhushira abarumwa boosi (sooma ameebalo kali mu tafsir ya Quran Q 33.41 nende Sheikh Mubarak Ahmad, halala nende eshitabu shaabwe shilangwa mbu kalimatul - Fasl)
4. Buli omwislamu no mukafir okhuula abe mirzai, ne khandi ne shitsubo eshikhongo okhuteshania nende ebislamu okhuula ngana baba abamirzai (soma eshitabu shaabo AN - WAARU KHILAAT olupapulo 92).
5. Shiyinjira swala ya mirzai inyuma wo omundu yesi yesi oulali mirzai tawe. (ANWNARU KHILAAT).
6. Bali ne shitabu shabo shabalolanga mbu ne shilayi po okhushira Quran shilangwa mbu (KITABUL - MUBIIN).
7. Litookho lia kadiyan iliri punjab ne lilayi po okhushira Makka nende Madina.
8. Bahmadiya (Mirzai) bayiniaho lilako lio khupanira idiini (jihad) khulwo khubachamisia abakhongo babwe abapala (abengeresa)
9. Inusu ye idini ya bwe no khubakhalabanira abapala (abengeresa).

AMAYAALO KA EBEISLAMU KHU ABAMIRZAI

Abasoomi boosi beshislamu barecheresania mbu omukanda kwa abamirzai no mukanda kwe shikaafir (sooma eshitabu shilangwa mbu MAUQIFUL UMMATIL ISLAMIYYA MINAL QAADIYYAN tsimbapulo 86-88)

SHO MWISLAMU AKHOYIRE OKHUKHOLA

Ne lilako khu mwislamu okhukhola amaani keene katoto okhulola mbu aseera ameeko ka abamirzai mutsinjira tsyosi, tsyosi, ne are abulafu obusuubiri bwabwe halala nende amaparo kabwe.

Khandi kenyekhana limanyishe khu beislamu boosi mbu mirzai shinomwislamu tawe, kata niyeelanga na ameera keshislam, nachinga musahafu, na ruka tsindefu, niyeboya shiremba, niyombakha emisikiti shinomwislam tawe!!.

(MADUAT OKHURULA MUMIAS)

ANTI AHMADIYYA Movement in Islam ~~Dr Syed~~ Rashid Ali
P.O Box 11560 Dibba Al Fujairah. U.A.E.
FAX 971 924428 46
<http://alhafeez.org/rashid>